

# Inspectur de scola Albert Spescha, Andiastr/Danis

Autor(en): **G.G.**

Objekttyp: **Obituary**

Zeitschrift: **Igl Ischi : organ della Romania (Societat de Students Romontschs)**

Band (Jahr): **42 (1956)**

PDF erstellt am: **16.07.2024**

## **Nutzungsbedingungen**

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

## **Haftungsausschluss**

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

## **Cuorta memoria d' enzaconts preziai defuncts della Romania**

### I.

#### **† Inspectur de scola Albert Spescha, Andiastr/Danis**

Gievgia Sontga, 1954, ei sgr. Albert Spescha, ch'era staus 27 onns inspectur de scola, morts a Danis ella vegliadetgna de 65 onns, paucas jamnas avon che vegnir pensionaus.

Naschius 1888, ils 13 de nov., sco secund de 10 fargliuns, ha igl inspectur de scola de pli tard fatg la scola primara en siu vitg natal d'Andiastr, per silsunter absolver treis realas a Glion ed allura il seminari de scolasts a Cuera, nua ch'el ei, 1908, ella vegliadetgna de 20 onns, vegnius patentaus sco scolast. Da 1908 — 1912 ha el dau scola ad Andiastr, 1912 — 1921 alla scola reala a Rueun. Maridau l'empremaga cun sgra. Anna Caduff de Tavanasa, secasa el da 1921 naven a Danis, sorprendend la scola secundara de leu. Anno 1927 vegn el elegius inspectur de scola pil circuit Reinanteriur e Glogn, per allura, suenter 27 onns de fideivel survetsch alla scola rurala sursilvana, murir aunc en uffeci.

Duront 45 onns de premurau survetsch alla scola, ei sgr. insp. Spescha staus in bien scolast, in inspectur exact, plein tact ed autoritad e de gronda beinvuglientscha — perfin enviers tals de magari mendras qualitads de magister! Tut quei ch'apparteneva alla scola senza ed a ses problems metteva el en viv moviment, mo buca meins era quei che pertuccava damondas arisguard la megliera situaziun pecuniara de ses scolasts, l'erecziun de casas de scola, la fundaziun della scola professionala a Compadias, l'ediziun de cudischs de scola etc. etc. Tut quellas



caussas ch'udevan tier siu uffeci, ein vegnidas promovidas, sustenidas u schizun iniziadas entras el . . . .

Bein ch'el ha fatg fetg bia per l'instrucziun tudestga ellas scolas romontschas, ha el da l'autra vart era buca negligiu ils postulats romontschs en favur de quella. Perquei er'ei fetg natural ch'el persecitava cun interess las lavurs e stentas della Romania, e ch'el compareva — sche zaco pusseivel — adina allas radunonzas generalas e casualas de quella. Entupein nus era buc el ellas annadas digl Ischi, sche ha el tonaton scret bein-enqual interessant artechel davart damondas de scola e dil puresser en auters organs romontschs.

Sco diember de ses collegas, ha era sgr. insp. Spescha fatg politica. Aschia ha il cumin de Rueun elegiu el 1915 mistral e per quater periodas sco deputau el Cussegl Grond. Oriunds d'ina stupenta famiglia purila d'Andiast, eis ei buca de sesmarvegliar ch'el ei sia veta s'interessaus intensivamein de tuttas damondas purilas de nossa tiara e ch'el ei era staus biars onns in fervent commember della suprastanza dell' »Uniun purila sur-silvana«.

Nus lein perquei mai emblidar sia gronda premura pil general beinstar de siu pievel e mantener el en buna e pia memoria.

R. I. P.

(Pli bia ed extendiu davart la veta e las prestaziuns dil preziau defunct, sgr. insp. Albert Spescha, mira: BT nr. 91, 1954, necrolog screts da siu successur L. B.; Gasetta Romontscha digl avrel 1954, Casa Paterna dil medem meins, sco era »Schulblatt« dil trimester, 1954, etc. etc.)

Gm Ga

## II.

### † Signur G. Fidel Tuor, fabricant, Trun

(N. 3-XI-1875 — † 4-I-1955)

La notg dils 3/4 de schaner 1955, ei sgr. G. Fidel Tuor, fabricant, Trun, »ius tier Niessegner«, sco nos buns vegls numnavan il murir.

Bein ch'igl ei vegniu scret bia bials e zun meritai necrologs en nossas gasettas grischunas ed en autras ordeifer nossa tiara, mereta il car defunct era egl Ischi enzaconts modests plaids de pia memoria.

»Signur Tuor«, sco el vegneva numnaus cun respect da nies pievel della Cadi, ei staus ina **personalitad**, ina personalitad dil-tuttafatg singulara, sco nus havein mo mintga 100 onns ina en nossa tiara! El auda ni tiels »politichers«, ni tiels poets, ei staus ni scienziat ni scrutatur — e tuttina d'in format tut agen, en tuts graus.

Naschius e tratgs si a Rabiis en ina modesta casa sursilvana, passentau sia giuventetgna en ina famiglia cristiana ch'el ha, eis el staus necessitau da giuven ensi d'ira per la via ualti dira, mo che meina il curaschus e perseveront adina ensiviars. Oravon